

篤行

李篋生	靳萬元	蔡廷簾	蔡昌大	徐日升	王明舜	邱宗開	王典	胡志鴻	王明正	沈國賓	音清	巫萬悅	劉維垣	錢如客	劉燮	汪瑞洪	羅玉	高德滋	王允纂	王永閔	馬祐	劉顯謨	劉宏訓	任天眷	張維倫	潘世偉	郭仲符	孔衍聘	謝賜弼	胡一鸞	徐永脈												
會歷昌	黃三畏	黃榮卿	黃尚忠	朱維翰	徐行植	任鳴珂	盛熠	祝雲龍	夏尙武	賈邦材	胡汝璧	朱鑑	汪德成	陳鼎	陳其策	許登雲	任齊世	賈天貴	郭維倫	郭尙瑞	孔翼公	周天成	郭維恭	郭維楚	樊世清	孔貞堯	胡永康	黃文蔚	潘先登	任爲楫	胡堯思	金成	陳韜	任輔世	王希曾	任如臯	賈又復	賈登瀛	胡天翼	王世俊	陳豹文	靳宏毅	徐席之

廬州府志卷三十四 篤行

一

高克謙 徐維宣 夏裔廣 秦九榮

李民表 方正榮 劉光案 黃甲元

汪文魁 孫邦翰 陳景運子瑛 耿秉鉉

沈可法 關坦 郭維垣子嗣選 吳聲宮

朱摺璵弟摺璵 徐士儒 蔣懋禮 朱世衍

樂一藝 胡尙鼎 高榮後 劉澍

楊先培 劉徵 李起倫 劉金殷

翟凌鵬 張如翼 劉學堯 劉學周

曹開顯 盧綜顯 張甦 陳永曦

李捷 謝鳳毛 劉廷蒼 燕翼

沙之浩 朱傳子朝說 伍貞 宇太康

吳漢 凌可綸 劉君紹 張真

范本泌 婁日燾 郭紀熙 王信

蔡國順 傅國佐 王元登 丁昇

蔡霽 黃彬子大鶴 沙岳 趙炯

李耿忠 李集 張惟 蔡天泰

張桐弟檢 褚家璿弟家璵 李延灼 黃存義

周朝鼎 陸宗瑛 李瀨 董懷峯

李山 白廷俊 李雲 王邦珍

程德新 龔湘 范正素 蔡弁

牛成瑚子燦 李鼎 王倣 高巖弟巖

陳應龍 何芬 吳應龍 靳宏基

廬州府志卷三十四 篤行

二

黃仕晉

靳宏士

吳崇誥

李旦雲

劉驥

姚錫綸

丁龍

廬州府志卷三十四

賜進士出身廬州府知府溫陵張祥雲主修

篤行

明

李篋生合肥人以普濟為願解推不計囊之多寡隆冬備襦袴及米待里之無衣食者戚友婚喪隨時周給萬歷十七年歲大祲仗義捐助存活無數弟卒撫卹弟婦胡氏及孤姪收春成立與子先春同補郡庠生後為定遠訓導會孫世藻順治丙戌拔貢筮仕廬施清慎自矢有政聲

縣志

靳萬元合肥人讓產卻金有篤行君子之風

蔡清字孟潔合肥人孝友篤實推重鄉閭天順六年舉鄉賓

賜八品頂帶壽八十有二

蔡禮字元敬合肥人性孝友天爵自尊與物無忤家本素封輕財好施寢以困乏弗顧也居恒手一編詩酒自娛子孫各視其才質授以職業咸得有成

蔡廷璽子昆器合肥人少孤勤儉自勵與諸兄合爨三十年迨析產推讓不較隆慶辛未歲大祲出粟賑飢郡丞羅公節推陸公贈額曰敦義庚辰己丑復賑如前額曰淮西義士舉鄉飲賓壽八十有六

蔡昌大字蔚華合肥人少承庭訓動必以禮世父悉開大學講堂偕昆弟親領提命精研道腴涵養益深文抒冒臆不趨時好課子孫以孝弟力田壽八十有六

呂銀廬江人太學生嘉靖時歲飢捐穀五千石賑濟勸建坊

旌為義官封奉政大夫

縣志

沈緯字肖廬合肥人知山東利津縣多善政後告歸邑侯熊

公禮請為鄉飲大賓崇正十三年歲饑設廠賑粥次年復

大疫民多委溝壑捐貲貳千施棺掩骼閭邑稱為仁者又

復於三河鎮建沈家橋至今無病涉焉

縣志

徐日升字果卿合肥人少失恃事繼母以孝聞值歲大饑道

殯相望公出積粟六千石以賑一時翕然慕義爭相效法

肥民賴以全活者甚眾

縣志

王明舜字鳳泉合肥人生有至性兒時從里社飲每懷果遺

母人稱其孝崇禎庚辰歲大祲悉出所積散之以好施故

廬州府志卷三十四 篤行

二

家致中落不悔也

縣志

邱宗開字爾丞合肥人郡文學也壬午寇亂宗開出資招勇

敢保守鄉村得免賊害宗開卒其妻熊氏妾余氏苦守教子

之倫成名

縣志

王典字大章合肥人天性孝友慷慨好施居南鄉壬午寇難

避難者幾百人典以所居分處飲食之全活甚眾

縣志

胡志鴻合肥人侍御志藩胞弟也生平好義樂施壬午寇亂

後移居鄉莊貧友多依以為活親黨賴之有不能婚嫁者

必解囊以助之

縣志

王明正合肥人性孝友不苟言行年十五封股愈母病邑令

旌曰童心篤孝伯兄六十無嗣力為置妾後子景綱景維

孫梅霖俱以孝友聞

縣志

沈國賓合肥人以孝聞有石坊建堰城壩紀載甚詳善行甚

多明崇禎寇變後事多不傳

縣志

國朝

晉清字疏越合肥人郡庠生居家孝友與仲季析產不計所

值嘗曰廬城百萬家多付之荒烟蔓艸我弟兄尚存此數

椽數畝何必多求設教澍濠間一時從遊者眾著作甚富

有鴻雪集行世

縣志

巫萬悅合肥者民生平慷慨好施親戚鄰里婚喪不能舉者

悉捐助之卒之日人多感激泣下

縣志

劉維垣合肥人母夏氏病篤禱神願以身代夢神人示之曰

廬州府志卷三十四 篤行

三

汝誠可格天當益汝母壽病果痊子煜焯俱列膠庠季子

燮之子顯謨庚辰進士宏訓履謙亦皆諸生人咸以為孝

行之報云

縣志

錢如容合肥人歲貢生性至孝父病衣不解帶藥必親嘗父

歿事母愈篤二十餘年甘旨無缺其割產贍弟尤稱友愛

焉

縣志

劉燮字公理合肥人幼失怙事母至孝尤篤於友愛與兄析

產輒以其腴者讓之兄歿姪復早亡撫姪孫如己出

縣志

汪瑞洪合肥人傭工養親見親所嗜之物必力致之終身未

嘗拂志前令俱有旌言

縣志

羅玉字公琢合肥人十九歲與兄塾同入泮康熙丁丑歲薦

敦品力學都人士仰之如山斗所著有天中草螺江遊閣
海遊諸詩集尤長於古文詞

縣志

高德滋字山務合肥人髫年失怙事嫡母孝甚竝能率幼弟
德洽同將其順方冠補邑諸生留心經濟守令多所諮訪
每有贊畫輒愜人意三子重琛重珙重琮俱有聲庠序重
以尤達於經學著有尚書遵註經史集說行世詳見孝義
縣志

上允蔡字珥形合肥人黃州節推綏長子性篤孝嗜古力學
十歲失恃居喪盡禮善事繼母友愛諸弟居鄉黨尤敦嫻
睦康熙己未歲早出廩粟賑飢全活甚眾里中稱盛德焉
子育雍俱遊庠序克承家學

縣志

廬州府志卷三十四 德行

四

王永閔字社仲合肥人邑庠生綏仲子性溫厚和平與人交
久要不忘樂周人急於寒士尤喜助之四子各授一經襄
歲貢袁進士袁邑廩生袁郡庠生諸孫多在泮有聲

縣志

馬祐字篤斯合肥人歲貢生中年失偶義不再娶先是其家
頗裕以樂施致貧明季早祐出粟賑粥存活甚眾繼大疫
復施棺數百口康熙二十八年有壽民醫妻償債祐僅館
穀代出銀十六兩仍給資令歸卒年八十有七

縣志

劉顯謨字御書合肥人康熙庚辰武科進士以親老侍養累
辟不就承歡膝下克盡孝養家居山莊遇歲儉周貧鄰乏
族黨稱之

縣志

劉宏訓字敷文合肥人庠生天性篤厚置義田義冢以濟族

黨家居肥六之界歲於通衢設茶蕪行人便之所著有逸
園文集

縣志

任天眷舒城人邑庠生性孝友家貧力學仲兄天成宦吳越
天眷奉繼母承歡養志者十數年課諸子各授一經子昌
世安世俱邑庠生

縣志

張維倫舒城人孝友過人居鄉醇謹不慕榮利鄉里貧乏者
多周繼之

縣志

潘世偉舒城人友愛從弟財物無所私人以為難

縣志

郭仲符舒城人父早歿辛苦操作生業漸裕兄貿易江湖折
閱歸仲符仍分所有與之曰我差幼能任事財產易致也
一時重其義云

縣志

廬州府志卷三十四 德行

五

孔衍聘舒城人明末饑殍載道衍聘施粥施衣施樁行之不
遺餘力鄉人德之

縣志

謝賜弼舒城人明袁子天性孝友尚節義喜施濟晚年尤多
隱德鄉里推為楷模

縣志

胡一鸞字冠明舒城人天性忠厚好善樂施生平以孝友為
務循規蹈矩言笑不苟教子孫以詩禮家庭雍肅鄉里有
善人之目

縣志

徐永服舒城人少孤事母以孝稱撫二弟皆成立樂善不倦
鄉里咸推重之

縣志

曾歷昌舒城人庠生忠信醇謹古道自處前邑令兩旌之
黃三畏舒城人勤儉樂善好施訓子弟多成立里人賢之

縣志

黃榮卿舒城人慎交游重然諾築室邑東足跡不入城市者數十年有古隱君子風縣志

黃尚忠舒城人居貧守約樂善好施鄉里推為長者縣志

朱維翰字漢公舒城人武舉善事後母友愛諸兄弟無閒言

康熙辛巳烏沙鎮被災之家難翰計口授糧數百人咸食其德縣志

徐行植字子建舒城人孝友端方素行高潔里有難事多往

質之其睦族賑貧於朋友故舊尤敦古誼縣志

任鳴珂字瑤圃舒城人例監生曲體親心友愛庶弟操行方

正見義必為閭里畏敬之有查方風範貢才未展時論惜之著有鴻泥集詩行世縣志

廬州府志卷三十四 篤行

六

盛燭字星偕舒城人歲貢生生平以孝友著聞踐履淳篤鄉里推為典型縣志

祝雲龍字友夔舒城人康熙庚子舉明經倜儻有大志為文

雄渾雅健處兄弟間極盡友愛縣志

夏尙武字楚白舒城人家庭間極盡恩禮雖甚貧能自樹立取與不苟性慤於人曲直無所回互人亦以其無私而諒之縣志

賈邦材字詠斯舒城人庠生家故貧父教讀恆不事生產邦

材同織督耕甘旨無闕敦友誼篤宗枝鄉里化之所居鄰家罕有爭訟事縣志

胡汝璧字蒼石舒城人雖生於富貴而謹飭自持無少豪放

與兄世球弟世瓊敦睦宗族周恤親隣一一能承先志縣志

朱鑑字藻如舒城人親歿居喪守禮惟謹三年如一日居恆

獨坐一室與子弟諸生談經味道以歲薦需次司訓不及待而卒縣志

汪德成字用章舒城人父溥歿家業蕭然德成年十六服買養母能得其歡心教諸弟成立皆有恆產縣志

陳鼎字象九舒城人庠生髫年失恃善事後母力學祇行教

子弟以讀書敦本為要自是科第蟬聯足徵孝友之報縣志

陳其策字公右舒城人康熙壬子與叔輯同舉於鄉壬戌登進士授陝西臨洮衛守備以慤直見黜歸里雖貧窘于當事未嘗有干謁縣志

廬州府志卷三十四 篤行

七

許登雲字亦浹舒城人諸生性孝友八歲失恃事後母先意承志得其歡心母卒雲哀毀骨立治喪卜葬盡禮嘗募人

墾田數百頃分給子弟甚均族有顛連者保護教誨務令成家尤好施與資貧乏晚益肆力墳典手抄口誦寒暑不輟偶有得輒寓于詩壽八十一縣志

任齊世字一公舒城人例監生性溫淳慈藹教子弟多成立居鄉雖遇販賣童幼亦無急言遽色人樂親之縣志

賈天貴字公良舒城人為入忠厚質直遇鄉里有爭者輒為一言解之饋遺無所受教子孫以力耕急稅為務縣志

郭維倫舒城人事親孝與友信族兄弟無遠近悉待以誠性尤耿介輕財明大義督修宗譜誼聯一本鄉里咸推重之

縣志

郭尚瑞字盛友舒城人天性孝友嫺睦宗族與弟尚瑣俱有

聲望序縣志

孔翼公舒城人樸實純厚孝友兼盡少精舉子業屢試未就

晚年猶手一編垂釣桃谿同懷五人壽皆八十餘怡怡一

堂自少至老雍然秩然縣志

周天成舒城人忠厚樸實性好施與每儉歲但有餘穀即分

贈隣里延師教子耕讀之外無他務里人賢之縣志

郭維恭舒城人樸實敦厚然諾不苟行已律身悉以古道尤

能敦本睦族排難解紛教子以孝友勤謹勉為端人縣志

郭維楚舒城人事母以孝聞處兄弟克盡友恭鄉黨稱之縣志

廬州府志卷三十四篤行

八

樊世清舒城人性淳厚教子孫先行後文時歲凶饑世清出

粟二百斛以賑之代貧民輸積稅銀一百餘兩縣志

孔貞堯字天如舒城人奉祀生員樂善好施明末兵亂施粥

施衣埋齒掩骼妻孫氏亦好善樂施周濟貧困縣志

胡永康舒城人樂善好施值寇亂收葬遺骸顛沛流離奉母

不失禮母卒居喪甚哀性好排難解紛為德不倦縣志

黃文蔚舒城人孝友恬退父早歿事孀母極盡色養家無斗

膏舌耕餬口治親喪必盡禮兄弟九人式好無尤居常衣

食及冠婚諸大事文蔚擔荷居多太守徐以望族純修旌

之縣志

潘先登字裕然舒城人孝友任使昔居三河家頗饒族戚中

賴以舉火者甚眾晚歲家中落徙居桃城雖布衣喜讀古

書年八十猶手不釋卷縣志

任為柑字濟蒼舒城人友愛兄弟性骨鯁遇道義有必爭者

雖豪貴勢壓不為動言論侃侃無間初終縣志

胡克思字嗣祖舒城人世家子事繼母以孝聞工制藝試輒

冠軍入郡庠以志在奉養不求仕進縣志

金成字其相舒城人家故饒無驕行博學能文為學者所稱

許縣志

陳韜字姜友舒城人年二十舉鄉榜例應銓選因養親不圖

仕進敦倫睦族善氣藹如然丰采嚴峻子弟後學望而敬

之縣志

廬州府志卷三十四篤行

九

任輔世字長民舒城人邑增生從弟有棄先業者給以值不

取其產弟終不能守再子之價而以租贍其身終焉娶姜

氏少遭疾姜父母欲為買妾輔世持不可後生五子縣志

王希曾字孝若舒城人歲貢生寇變時年十二流寓望江嘗

讀書於客館有少婦挑之堅拒不納曰昔人凜四知寧獨

臨財為然哉辭受取與無巨細皆不苟里人畏敬之縣志

任如臯字祁臣舒城人例監生隨父振世宦曲周故饒

邑振世飲冰茹檠舊例悉除閒謂臯曰吾將何以遺汝臯

對曰大人以清白相遺足矣振世亦心賢之縣志

賈又復字勝先舒城人性伉爽和睦族屬親知以藐孤託必

竭心力撫之接遇賓朋無倦容無德色有鄭當時之風縣志

賈登瀛字華翰舒城人郡廩生爲文醇古雅澹爲同輩所推

縣志

胡天翼舒城人庠生天性孝友樸實敦厚不妄交一人卹居
節居枵耕自給暇時則蒔花種竹賦詩飲酒不履城市有
古君子風

縣志

王世俊舒城人性孝友慈仁好施與如藥餌衣棺義冢諸務
行之不倦推財讓產尤有辭包風範

縣志

陳豹文舒城人庠生天性孝友見義必爲兄早逝豹文經其
遺產不爲私利撫姪成立尤人所難

縣志

靳宏毅字仕可舒城人國學生慷慨好義廬試院舊張席棚
以覆每歲科屆期必重加修整事竣則撤几案偃仄欹斜

廬州府志卷三十四

篤行

十

若試日人眾不能容生童有匍匐階除呬唔終日之苦太
守徐公大枚憫之思易椽瓦竝備端好棹凳廣文余君汝
霖奉檄造宏毅廬與之語宏毅欣然願獨力如數捐輸以
勸善政一時稱盛事云

縣志

徐席之字崑壁廬江人素行醇謹與物無競流寇環城多方
捍患眾皆倚之

縣志

高克謙字益之廬江人仗義急公如爭免驛馬諸條議利及
閩邑壬午寇變家室蕩爲灰燼謙奉二親及三弟徙於江
南待養者千指謙皆身任之勤苦治生業日振擴析箸時
毫不自私

縣志

徐維宣廬江人歲貢生孝友貞樸然諾不欺遇不平事輒挺

身排解不怵於利害每除夕出薪米以周貧乏歷年不倦
著有偶存集

縣志

夏裔廣字椒擬廬江人父爲岳州郡丞卒於官裔廣扶輿歸
哀毀骨立岳人咸嗟歎之奉繼母克盡子道撫異母弟教

之成立先是族人有貧不能葬者裔廣獨力營葬及家貧
猶減削百需以周給之居恆杜門講學行矩言方鄉里皆
欽其品

縣志

泰九榮字爾承舒城人增生性端慤詩酒自娛絕跡戶外族
中貧乏者必周卹之營建家祠春秋集族人講約勉以敦
睦族衆化之罕有構訟

縣志

李民表無爲人父所授產多推以讓弟族貧不能婚者民表

廬州府志卷三十四

篤行

十一

助之金其或假貸無償亦焚其券焉

州志

方正榮無爲人性喜施予置茶亭通衢以憩行旅與汪文魁
爲友至老不分財兩姓子孫亦互相訓飭有龐公司馬之
風州守史應選給額獎勵標其名於旌善亭中

州志

劉光宗字同之無爲人性孝友少舉優行耿介端方閉戶讀
書經年足不履市晚年應貢未及廷試而卒

州志

黃甲元字繼農無爲人善岐黃術叩門者不問貧富悉應之
多不取值遇貧病者飯之且助以錢開策一驢走數十里
問人患難風雨無難色以先人未御羅綺終身著大布衣
及卒僅田數十畝遺命以腴者歸姪而分其瘠與兩子
汪文魁無爲人母老而疾百方娛志侍湯藥不解帶者數年

州志

田產所入多與鄉里接維童穉不冠不見人有緩急不吝重貲相濟易簣前一夕誠家人母咽我我將遠遊及旦而逝

州志

孫邦翰字文台無為人弱冠補諸生授徒數十年從游者眾歲饑邦翰尤困有所贈遺俱不受其耿介類如此

州志

陳景運字熙升無為人郡諸生居家孝友年六十四卒著有樵餘吟州守楊奇烈旌之子璵字子千康熙中與同志李捷倡行便民小單致家中落州民至今德之

州志

耿秉鉉字長玉無為人好義樂善入膠庠四十餘年公門無片紙歲祲自減家食以濟貧交晚年刻意教子兩列膠序一登賢書

州志

廬州府志卷三十四 篤行

三

沈可法字爾先無為人少為諸生篤於孝友晚年彌敦古道周族濟貧惟力是視而居身儉樸不踰尺寸子祚祐俱列明經年登七十

州志

關坦字魯韋無為人前明孝廉世隆子事父母以孝聞兄弟間備極友愛

州志

郭維垣字樞臣無為人天性孝友父母早喪篤於兄弟分析後諸姪家落以已產分給由是四壁蕭然恬如也仲兄維屏宦郴州解任歸絕無資生奉養十餘年不懈子嗣選字掄一弱冠補諸生究心古學淡於榮利廉潔自持不苟一介里黨稱為真君子不愧其父云

州志

吳聲官字堯聲無為人隱士爾康子父卒事母孝母病湯藥

必親嘗以兩弟為母所鍾愛分析時推多與之自取其瘠薄者動嚴禮法雖親暱無敢干以私焉

州志

朱摺璵字東玉無為人歲貢繼伯前詔為嗣前詔與配君吳孺人俱早逝摺璵惟生父前詔是依及長前詔遠宦楚黔摺璵督理家政惟謹與弟揆璵備極友愛同事葛宜人曲盡孝思生平純慈律身然諾不負天性聰穎一目數行晚年玩習詩古愛作蠅頭小楷手錄書籍逾尺卒年六十有五揆璵字朱若與兄同以孝友著稱以歲貢授常州府訓導卒於官

州志

徐士儒字至林無為人歲貢嗜學甚苦嘗暑夜翳燈帷中默誦達旦家貧授徒盡心啟迪性至孝父沒臥母榻前三年

廬州府志卷三十四 篤行

三

學憲余公選舉優行

州志

蔣懋禮字秩宗無為人諸生性至孝奉養甘旨必親嘗以進遇祖父母忌辰輒哀感流涕生平取與不苟嫉惡甚嚴閉戶課子屏絕外事著有字學辨微一卷子如荃雍正壬子舉於鄉

州志

朱世衍無為人素行醇謹鄉里稱善康熙癸巳以耆老赴京恭祝

萬壽親受賜賚郡守州牧俱旌之年八十七

州志

樂一藝無為人例貢生為人謹朴性好施子居鄉里恂恂然稱長者

州志

胡尚鼎無為人性好義有族人天秩孤露無倚尚鼎撫之為

之娶授以田屋 州志

高榮後號克昌巢人獨捐二百金造鍾家巷石橋一座 縣志

劉澍字景昭巢縣人世居夏閭劉利慷慨好施樂善不倦居

傍有橋通大河架木爲之春夏淋雨衝決行路者望洋莫

渡歲常二三見澍齎產捐銀八十兩以爲領袖並婉諭諸

侄募勸諸鄰俱勉力捐助於河西造石橋三衛行人利之

至今人稱劉家橋又命侄于崇修小石橋于絕澗處以通

往來 縣志

楊先培字彬裕巢縣人德範舜漁裔孝友克敦不墜先人遺

訓桐鎮東路遇久雨泥濘難行培捐倡礮石人頌坦途飛

鳳橋日久傾圯復捐募董修以便行旅 縣志

廬州府志卷三十四 篤行

四

劉徵字秀升巢縣人國學生幼業儒兼通百家諸書秉性仁

慈樂善喜助夏施茶冬施薑以解渴寒病施藥死施棺以

濟貧乏甲午歲饑輸粟賑贖全活多人易簣時猶以孝弟

忠信勤儉謹慎戒子若孫 縣志

李起倫字序昌原籍繁昌自祖君羨寓居巢倫苦志讀書工

詩字性夜樂施南岸馬頭傾圯獨修利濟邑侯韓公贈有

濟人誕登之額 縣志

劉金殿字子閣巢縣人天性孝友爲人慷慨赴義憐貧恤孤

遇人有爭財者解囊以釋之 縣志

翟凌鵬巢縣人志切濟人情深利物於石次橋頭造茶庵修

佛像庵前葺亭爲往來息肩地夏茶冬湯以濟行人置田

種以飯僧皆獨力捐貲爲之 縣志

張如翼字美吾巢縣人幼事詩書不遂其志乃徜徉山水以

自樂居心渾厚立品端方常爲人排難解紛不惜傾囊以

贈鄉里稱爲長者享年八十有一 縣志

劉學堯字尙虞巢縣人父病割股以愈外祖母無依養之終

身克盡禮又年饑買麥以濟一方人多德之 縣志

劉學周字辰南巢縣人事父惟謹待弟克敦友誼生平不苟

色笑一鄉咸有正人之目 縣志

曹開顯字世昌無爲人順治丙戌舉人任婺源教諭陞山西

絳縣知縣甫十月致仕歸仍授徒鄉里其清操如此 州志

盧綜顯字右文無爲人明末兵警挈家避寇年二十一補諸

廬州府志卷三十四 篤行

五

生其父應爵及弟仲勳皆死于兵時季弟尙幼綜顯以先

人田宅讓於弟自硯耕養母兼撫仲勳遺孤俾成立有同

舍生以細故被黜傾貲救之事已無德色性嚴介寡交喜

接引後進精小楷行書工詩賦著有聽魚山集善鼓琴居

母喪後遂絕絃不鼓通地理宅相占候陰陽無不奇中 縣志

張魁字季文合肥人嗜古博學秉禮持正居南郊外茅屋數

椽自號牛農老人不事游名而薦紳先生訪道問字者絡

繹不絕每以孝友勵俗有古君子風 縣志

陳永曦字盛彩合肥人幼習儒業以數奇不偶遂絕意青紫

閉戶讀書所爲大小題文近千首出其門下者皆知名士

平日言方行矩鄉人式之 縣志

李捷字泳士號鬱山無爲人庠生七歲能詩補諸生遇事敢爲先是州民遭里排兜歛之苦適廬江令李公攝州篆捷願請倡行便民小單其費不貲捷復醫產佐之民困獲甦州人至今食其福性嗜學至老不倦工古文詞著有鬱山草堂集東遊草

州志

謝鳳毛字殊有無爲人郡諸生深沉好古素履端方地方利病當事者恆虛心諮訪出一言皆切民瘼如行條鞭築四壩清編審皆其所力請者晚年尤好吟詠長子朝貺由郡庠入太學授職銓部性恬淡工吟詠著有東墅小草次子舉安進士

州志

劉廷蒼字漢年無爲人少失怙事母至孝夙負俊才游心藝

廬州府志卷三十四 篤行

末

苑製作皆高古成一家尤喜接引後進講論詩文終日無倦色學者樂親近焉

州志

燕翼字燦微無爲人少孤家貧力學能文耕硯養親不與外事州內知名士多出其門膺康熙癸未歲薦卒年七十有九

州志

沙之浩字深源無爲人負性謙和家居敦孝友嗜學寒暑不輟工書法小楷尤佳雍正七年選拔北上卒於京邸

州志

朱傳字羽經無爲人品說渾朴才學博雅督憲獎其優行鄉里尊爲士範著有雲泉詩

州志

伍貞無爲人性孝友以產讓兄沒齒無怨徇衡門蕭然高寄族人通負者常出已財代償之著隴耕野人集

州志

宇太康無爲人諸生有文譽常謂空文無益於時遂謝去營別墅於西郊日盤桓其間以自適與弟友愛事婦母盡孝生平澹泊明志人咸重之

州志

吳漢字雲章無爲人前侍郎光義第三子深沉嗜學而淡於榮利由歲貢教習正紅旗授湖廣臨湘縣令未閱月即告歸

州志

凌可綸字經甫巢縣人樂善好施然諾不苟捐貲造湖南高林橋至今行人稱便又倡修甘泉寺煥然一新鄉鄰有貧乏者時爲周濟時稱長者

縣志

劉君紹巢縣人幼失怙棄儒事母以孝稱撫弟侄身任婚娶律身行已悉以古道自矢

縣志

廬州府志卷三十四 篤行

七

張興字叔康巢縣人庠生穎異過人博學能文章性耿介不阿鄉里稱之

縣志

范本泌合肥人七齡失怙孝事孀母友愛諸昆冬月必備衣粟以周貧乏鄉黨多倚賴之乾隆十九年舉鄉飲賓郡守趙公賜額曰望重輿評

婁日贊字宇學合肥人天性純篤早年失怙善事孀母以孝聞敦本睦族謹言慎行博通今古不務浮名郡守趙公重其品學額其室曰大隱

郭紀熙合肥人素行孝友自其祖父樂善好施熙承先志周恤親隣捐輸義地有弟七人皆親教之成名乾隆丁亥舉鄉飲介賓郡守王公贊曰推仁廣義培植心地樂善之誠

已積三世

王信合肥人父錦華病篤齋戒祈禱願減已壽十年以增父算越日夢神告曰鑒汝之誠益汝父壽汝壽固不減也父病尋愈後十年乃卒

蔡國順字子吉合肥人賦性醇厚訓子姪生徒以涵養性天爲本生平無疾言遽色晚年學益粹一切世故無足以撓心者惟多藏書以遺子孫

傅國佐字天植郡庠生好學力行崇重信義族姪彤選幼失怙恃佐撫之如已子至於成立族中貧不能葬者置義地葬之康熙閒歲早出穀數百石以糶里黨又捐貲修置府學樂器祭器撫軍趙公督學姚公皆賜額旌之

廬州府志卷三十四

篤行

大

王元登字嘯門合肥人廩貢生爲進士商河令哀季子三歲而孤謹奉母教終身不離左右鐫父遺文行世兄元齡歿遺三子一壻亦早孤登皆善撫之有孀姊前母所出也無子歸依於家爲立嗣請旌登性聰慧舉業外凡詩詞書畫百家雜技無不精通

丁昇字允職合肥人武舉樂善不倦力行功過格奉以終身舉行合舒廬無四邑同善局又與里人公辦育嬰堂飢寒疾病孩幼無依者多賴存活

蔡劣字蒼佑合肥人事親以孝謹間與人交慨慷重義不輕然諾疏財好施鄉里德之

黃彬字國華合肥人貢生端方耿介性好推施家產不途中

人而濟物利人有求必應子二人長大鶴字羽豐郡增生篤志窮經至老不倦慷慨好施有厥考風乾隆十九年郡守趙公舉鄉飲禮嶺口交推辭不受里人賢之次文衡增貢生事親克孝母病五年竭力奉侍居喪三年不入內室事兄大鶴恭而有禮每晨必詣兄所問安析產時兄弟交讓屢舉優行乾隆丁亥舉鄉飲大賓

沙岳字鎮宇合肥舉人家貧事父母菽水盡歡叔祖母陶氏早寡無依岳奉養數十年爲之請旌嘗映月讀書無月則以線香照讀究心聖賢誠正之學不僅以制藝擅長

趙炯合肥人附貢生兩舉優行輕財好施東關外大河北岸崎嶇泥濘行人苦之炯獨捐金甃成石路乾隆閒歲歉捐

廬州府志卷三十四

篤行

尤

米數百石煮粥賑飢鄉里有善人之目

李耿忠字申白合肥人仁善性成少時見父濟人之窮輒爲請益捐七品職以母老終不謁選乾隆閒歲早出穀千斛周濟親族鄉隣施義地於青陽鎮西以葬孤貧捐修道路橋梁廟宇諸善行不可勝紀

李集合肥人年十三繼母患病割股療之兄弟分產時長兄食指衆多遂以已產與兄素習岐黃施藥濟人鄉里多蒙其惠

張惟字載謀合肥人性至孝父病割股籲天獲愈及歿奉母益篤母卒後年屆七旬每時祭必號泣敦友于重然諾族黨貧乏者分產賜恤之教子義方能尊師重道督學葉旌

以額曰孝友可風

蔡大泰字寅亮合肥人少孤事祖父母能得其歡心依孀母膝下五十年孺慕無異赤子倡恆善局會買木施棺戊子歲旱賑飢撮城鎮人日給米半升有田隣數十家飢待斃泰量其家口各給錢三五千隣無飢死者

張桐合肥人乾隆乙酉拔貢家貧力學孝友端方鄉里咸欽敬之同善局施藥材瘞暴骨梓功過格諸善舉相爲首倡始終不怠弟榆禪躬懋學敦本敬宗家無擔石而先世喪葬諸大事獨力任之親友中有以孤子託者榆爲之經理教誨務俾成立而後已

褚家璿字齊玉合肥人廩監生少有至性誠於事親羣從昆

廬州府志卷三十四 篤行

手

弟朝夕不離戊子歲荒有鬻養媳爲婢者璿代償其價而還之卒爲夫婦又嘗於逆旅得遺金還諸其人弟家璿字山玉居家孝友處鄉黨循循有禮內外無間言嘉慶元年與千叟宴膺七品頂帶

李廷杓字參瞻合肥庠生篤學不倦娶吳氏早卒終身不再娶獨撫二子教之成人

黃存義合肥人篤厚鄉閭樂倡義舉乾隆辛巳捐千金置產稅其租以濟寒士鄉試之費又捐七百元爲廣益局公所郡守王公歲旌以額

周朝鼎合肥諸生與兄朝鼎友愛無間先世遺產二千金盡以讓鼎鼎不受鼎曰兄五子食指繁多不能贍給我授徒

足資生無需此也後鼎家貧鼎以館穀資之生平口不言人過羣稱爲長者

陸宗瑛字倫玉合肥人家僅中人產乙巳歲大饑捐金爲粥以待鄉鄰之餓者人多賴以全活又焚貸券二百餘金一時稱之

李頤字崑江合肥歲貢任睢寧訓導自奉儉約而好施與遇族戚恩義尤篤有以匱乏告者必竭心力以任之

採訪事實

董懷奎字觀宸合肥歲貢充景山教習候選知縣性孝友胞弟懷嶽雙瞽奎赴京時將已產盡與弟以資衣食及歸家同居十餘載飲食坐臥不離弟卒喪葬如禮家貧無怨言善屬文尤工書法

廬州府志卷三十四 篤行

主

李山合肥南鄉派河人六世同居不置私產丙午歲歉散給千金隣戚賴以全活咸稱頌之

採訪事實

白廷俊合肥貢生少孤事母盡孝見義必爲乾隆乙酉捐銀千兩修浚城隍乙巳歲飢復捐賑銀二千兩督撫具題給匾旌獎

李雲合肥庠生幼失怙母病奉侍誠謹汙穢皆手自洗滌目不交睫者二載未幾母復病篤雲背負出入七年無怠娶李氏善事其姑氏卒雲德之誓不再娶

王邦珍合肥監生少事繼母先意承志族中孀幼無依者邦珍衣食之焚鄉鄰借券百餘紙乾隆年間旱歉捐麥八百石銀二百兩按戶口分給來春復借籽種百石家由此落

終無怨言及卒里人義而哀之

程德新字悔齋合肥人篤志潛修改過不吝生平薄於自奉積其餘以濟族中之不能婚葬者年七十時自製箴言一篇所言皆省身克己之學

龔湘字南亭合肥庠生父曾聰性狷介湘善承父志莊敬自持不苟言笑母歿事庶母盡禮居喪三年足不出戶生平著作詩古文詞字法印章並臻佳妙

范正素合肥增生天性醇篤事親克孝兄弟七人飲食必偕工舉業屢薦不售退隱朝霞山詩酒娛情授徒講學從遊多知名士

蔡卉字丹亭合肥人乾隆丁卯舉人甲戌登明通榜授旌德

廬州府志卷三十四 篤行

五

教諭加捐國子監典簿父泰來性好施予每歲終捐米五十餘石分給族隣之貧乏者行之五十餘年率以為常父歿遵行不怠為人和平溫厚人咸以長者稱之著有大學堂文稿

牛成瑚合肥人以歲貢生授望江訓導為文深研理奧追摹古人教授生徒以經明行修相砥礪敦孝友建家祠修宗譜訓子孫務醇厚戒浮薄鄉里薰其德年八十卒子燦奎性至孝力田養親輔諸兄讀書薪水薪火竭蹶以供連遭父母喪哀毀骨立及葬大慟血淚迸流遂病不起人多哀之

李鼎合肥人少孤恪遵母訓力學不懈乾隆間歲荒捐穀賑

飢親族就食者數十人取鄉里逋券悉焚之母登大耋鼎亦六旬每進膳必率孫曾侍側五世一堂承歡尤摯

王似字起南合肥附貢生治家清肅和睦鄉閭教九子領鄉薦者四貢成均者三孫桐乾隆庚寅舉人人咸以為善人有後云

高穀字巨占舒城人登奇長孫家貧竭力以供親膳親歿穀六十六歲哀泣如赤子壽至八十舉鄉飲賓仲弟峻字履厚性孝友言笑不苟戚族鄉里咸重之季弟嶺字仲瞻幼孤後由歲薦就職訓導以母老故終不仕邑建龍山書院嶺董其事不憚勞瘁三年而成穀子珠秉心忠厚處世謙冲每歲暮散財周急又分田數百畝贍濟親族尤人所難

廬州府志卷三十四 篤行

五

嘉慶元年與千叟宴以候選州同加一級並邀

恩賚如意壽杖綾緞等物峻子珍幼負才名能肩大事邑七門堰久廢珍屢清理原委上下增田均蒙其利

陳應鼈字岱瞻舒城人敦本睦族為善於鄉從弟婦束氏守節捐貲代為請旌又獨建宗祠捐田奉祀勸建家塾延名師俾族中子弟咸往就學每歲暮必出粟資助親鄰

何芬字精一舒城人例授知府治家勤儉和睦鄉閭邑建龍山書院樂輸數百金卒後三子恪遵遺命好善不倦乾隆五十年饑以穀五百石輸官賑濟邑民賴焉

吳應龍舒城人少孤善事孀母與弟應虎共爨二十餘年底

無閒言乾隆二十一年旱捐貲設粥以食飢民邑令給額以獎舉鄉飲賓

斯宏基字孚休舒城庠生六齡失怙母矢志柏舟以基幼穉嗣伯子宏任基長與任愛若同胞邑令贈孝友引年匾額初任有田若干攜以入繼而基田本多後家益裕任卒子遵遺命析產爲六以四與基基不聽歸任原田而以已田均分之鄉里稱其義讓又爲母請旌創建宗祠廣置墓田晚年益嗜學設教於鄉從遊者多受益焉

黃仕晉字楚材舒城庠生性孝友兄瞽弟幼體親意以家產讓之授徒爲生視躬端整鄉評推重比之王彥方云

採訪事實

靳宏士字軼材舒城人以例貢授知府職性濶達有才略重

廬州府志卷三十四

篤行

五

然諾好爲人排難解紛乾隆甲子春大雪有飢寒不能出門者作糜往賑之鄰里日給以米後屢值災荒倡族人捐粟設粥不足更糴之他郡以濟學宮久圯出貲新之七門嶺險峻行人有顛而殞者偕里人平治之建亭其側以息行旅鄉人至今稱道其事

吳崇誥字紹伊廬江人山太學生授布政使經歷少孤孝事孀母睦嫺任卹有古君子風創議建潯川書院捐田以資膏火修葺城垣文廟皆有助焉

李旦雲字曙滄廬江增貢生事親竭情盡禮母歿時四弟俱幼飲食教誨皆承父志父歿仍同居數十年修宗譜置祭田又施義地以葬孤貧創建萬壽庵捐田施茶生平雅嗜

讀書七旬外猶手不釋卷云

劉驥字秩晉廬江進士官安慶郡博素性恬退不樂仕進吏部截取知縣辭不就引疾歸足迹不入城市邑令慕其清高欲一見而不可得

姚錫綸字虞慶廬江人父以孤子勢微族人多欺凌之綸支持調護父乃獲安母病垂危禱以身代刲股進藥病旋起立身行已正直端方鄉隣悍暴之人望之輒引去

丁寵廬江諸生博通載籍五經皆有註釋治家不尚嚴厲務躬行孝弟以率之著有懷瑾集樂豐堂稿行世

補遺

趙光奎字文斗合肥國學生衛籍名載衛志九赴南闈目觀

廬州府志卷三十四

篤行

五

寒士科費維艱於乾隆十六年首倡義舉捐典租四十石以助資興後當戶起典價存學生息先是衛志載朱氏趙璣妻夫故訓子就義克成即奎母也於此足徵母賢而奎遵母訓益見矣奎子庠生芸佩監生蘭台孫監生學海庠生學浩